



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj:  
Datum:

**PRIJEDLOG**

Na osnovu člana 14. stav 1. Zakona o komunalnim djelatnostima («Službene novine ZE-DO», broj: 17/08), člana 35. Zakona o zaštiti potrošača u BiH ("Službene novine FBiH", broj: 25/06) i člana 14. Statuta Općine Tešanj («Službeni glasnik Općine Tešanj», broj: 11/07) Općinsko vijeće Tešanj na svojoj \_\_\_\_\_ sjednici održanoj dana \_\_\_\_\_ godine donijelo je

**ODLUKU  
o izmjenama i dopunama odluke o zagrijavanju Tešnja daljinskim  
grijanjem i Uslovima za isporuku i preuzimanje toplotne energije**

**Član 1.**

U Odluci o zagrijavanju Tešnja daljinskim grijanjem i Uslovima za isporuku i preuzimanje toplotne energije («Službeni glasnik Općine Tešanj», broj: 4/12), član 183. Uslova za isporuku i preuzimanje toplotne energije dopunjuje se novim stavom koji glasi:

“8. Za sve korisnike toplotne energije koji su izvršili implementaciju mjera energetske efikasnosti a kojima se obračun isporučene toplotne energije vrši putem mjerača toplotne energije, plaćaju paušal po stopi od 10 %, umjesto 25 % koliko plaćaju ostali potrošači.

Za sve objekte/zgrade koje imaju Certifikat energetske efikasnosti kroz pojedinačne odluke će se utvrditi i niža cijena toplotne energije za potrošeni MWh.

Izuzetak čine objekti kolektivnog stanovanja kod kojih ne postoji tehnička mogućnost ugradnje individualnih mjerača toplotne energije u stanove ili poslovne prostore.

Primjena poticaja kod obračuna iz ovog stava počinje nakon što korisnik toplotne energije JP “Toplana” predoči Certifikat energetske efikasnosti.”

**Član 2.**

Ova odluka stupa na snagu narednog dana od dana objavljivanja u “Službenom glasniku Općine Tešanj”.

**PREDSJEDAVAJUĆI VIJEĆA**

Subašić Senad, dipl.ecc.

## O b r a z l o ž e n j e

### **PRAVNI OSNOV**

Pravni osnov za donošenje Odluke o izmjenama i dopunama odluke o zagrijavanju Tešnja daljinskim grijanjem i Uslovima za isporuku i preuzimanje toplotne energije, sadržan je u članu 14. Zakona o komunalnim djelatnostima («Službene novine ZE-DO», broj: 17/08), članu 35. Zakona o zaštiti potrošača u BiH ("Službene novine FBiH", broj: 25/06) i u Strategiji razvoja Općine Tešanj 2018.

### **Razlozi za donošenje**

Projekt energetske efikasnosti na području naše Općine realiziran je na pojedinim građevinskim objektima. Energetska efikasnost kao suma isplaniranih i provedenih mjera čiji je cilj korištenje minimalno moguće količine energije predstavlja projekt koji je Općina Tešanj podržala i koji namjerava podržavati i dalje.

Svjesni smo činjenice da energetska efikasnost znači upotrijebiti manju količinu energije (energenta) u svim sektorima krajnje potrošnje energije: industriji, uslužnim djelatnostima, prometu, domaćinstvima itd. Toplinska izolacija zgrada smanjuje toplinske gubitke zimi, pregrijavanje prostorija ljeti te štiti nosivu konstrukciju od vanjskih uvjeta i jakih temperaturnih naprezanja. Toplonski izolirana zgrada je ugodnija, produžava joj se vijek trajanja i doprinosi zaštiti okoliša. Realizacija projekta energetske efikasnosti podrazumijeva dobijanje Certifikata o energetske efikasnosti koji je dokument kojim se iskazuju energetska svojstva zgrade, a njegova osnovna svrha je pružiti korisnicima zgrade informacije o energetskim svojstvima iste, a sve u cilju kako bi se smanjilo nepotrebno rasipanje golemih količina sve skuplje energije.

Inicijativa za razmatranje iznesenih činjenica proistekla je iz zahtjeva Opće bolnice Tešanj za smanjenje cijene isporučene toplotne energije, nakon realizacije projekta Energetska efikasnost – zagrijavanje bolnice. U cilju razmatranja ovog zahtjeva Općina je održala niz sastanaka sa predstavnicima Opće bolnice i JP "Toplana" dd Tešanj, kako bi se došlo do zajedničkog rješenja.

Prilikom razgovora bilo je nužno imati u vidu činjenice vazane za donošenje rješenja koje će biti adekvatno ne samo za Opću bolnicu nego i za sve buduće nosioce Certifikata o energetske efikasnosti bilo da se radi o pravnim ili fizičkim licima. Pored toga problematiku je bilo nužno razmatrati sa stanovišta održivosti kompletnog sistema isporuke toplotne energije.

Općina smatra da u cilju smanjenja negativnih uticaja na okoliš i povećanja sigurnosti snadbijevanja energijom, treba stimulirati potrošnju energije mjerenu kalorimetrom za objekte koji posjeduju energetske certifikate na način da se iznos paušala koji ovi korisnici plaćaju smanji sa 25 % na 10 %.

U konkretnom primjeru obračuna potrošene toplotne energije u Općoj bolnici Tešanj za nivo potrošnje od 392 MWh, po predloženom novom načinu obračuna ušteda bi iznosila 45-50.000 KM na godišnjem nivou.

U skladu sa izloženim činjenicama predlažemo da se u Odluci o zagrijavanju kao poticajna mjera uvede niži iznos paušala za sve korisnike toplotne energije koji potrošnju plaćaju putem mjerača toplotne energije, dok će se kroz pojedinačne odluke utvrditi i niža cijena toplotne energije za potrošeni MWh.

### **O B R A Ā I V A Ć**

**Služba za finansije, privredu, komunalne  
i inspeksijske poslove**

Hamzaliya Hojkurić, dipl.oec.

### **P R E D L A G A Ć**

**OPĆINSKI NAČELNIK**

Mr.sci.Suad Huskić

Broj: 02-02-1-354/17

Dana: 20.02.2017. godine